



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Missionis Anglicanæ Societatis Iesv

More, Henry

Avdomari, 1660

Blondus Missionem ad normam Collegiorum reducit. n. 1.

urn:nbn:de:hbz:466:1-38320



HISTORIÆ
 PROVINCIÆ ANGLICANÆ.
 SOCIETATIS
 IESV.
 LIBER DECIMVS

Blondus
 Missionē
 ad normā
 Collegio
 rū reducit.



obiles Angli, vt in regione à bellis hostilique incurfione ab
 immemorabili tempore libera, ruri plerumque habitant, quò
 & agrorum fructu gaudeant vberiori, & aucupij venationil-
 que exercitationibus fruuntur liberius, & inter fuos feu muni-
 cipes feu agricultores fidentius dominantur. Noſtri igitur in
 horum ædibus à fe inuicem neceſſario diſiuncti commorantur, vel ſoli, vel
 vt multum bini in vna domo: Etenim cinctis vndequaque eorum grege ho-
 minum qui & inclinatione ſua, & legum præcepto in Catholicorum ruinam
 incitantur, perdifficile eſt eum vnà viuendi modum tenere qui inter Catho-
 licos, vel etiam ſæpe numero inter Ethnicos vſurpatur, vt domus & forma Col-
 legij habeantur; neque enim cætuſ agere vel ad horam datur ſine ingenti peri-
 culo; multo minus ad longinquum tempus cohabitare Religioſos homines
 quantumuis veſtem diſſimulent, & intentionem. Itaque nè ij qui domorum
 Collegiorumque diſciplinam adanauere horum omnibus commodis priua-
 rentur, aut habitatione diſiuncti mutuo inter ſe commercio carerent, aut à Su-
 periorum oculis & inſpectione abſent longius, prima cura Vice Prouincia-
 lis fuit, Inſulam totam in certas regiones diſtribuere, noſtroſque eas incolentes
 assigna-

assignatis moderatoribus tradere gubernandos, vt si quod nasceretur dubium, si quid se offerret difficile, sciret vnusquisque confestim ad quem è propinquo referenda res esset; quæ si tantiforet vt grauiori egeret consilio eam ipse ad Vice-Provincialem deferret. Eoque præterea hæc regionum Superiorumq; distinctio spectabat vt certius accuratiusque Exercitia annua, Renouationesque votorum, & cetera quæ ad Disciplinam pertinent peragerentur, dum non vni vt olim longe posito ista exigendi cura committeretur, sed vicinum haberet vnusquisque Superiorem cui rationem reddere teneretur, & apud quem, vt plurimum, (consuetâ habitatione ad tempus, solitisque negotijs intermissis) diuertebat. Et erant Anno vigesimo in tractu Londinensi nouendecim; in Suffolciensi octo; Octo etiam in Hantonensi; In Staffordienſi decem; in Lancastrenſi duodecim; totidem in Leicestrenſi; in Lincolnienſi sex; septem in Eboracensi; in Northantonienſi vndecim; in Vigornienſi quinque; in Wallia vndecim; In vniuersum per Angliam (parſi Socij centum & nouem; quem numerum æquabant ij qui per Belgium diuerſas incolebant vrbes, vt Leodium, vt Louanium, Audomarum, Watenas; hoc discrimine quod in Anglia vix quisquam esset Sacerdotio non initiatus, In Belgio plures ad Sacerdotiũ parabantur, plures ad domestica ministeria alebantur. Crescente deinde numero Sociorum immutata est in aliquibus hæc tractuum dispositio, & Residentiæ in Collegia commutatæ sunt; idem tamen perseverauit finis fructusque, eoque maior quo propius ad communem Societatis morem cuncta reuocabantur. Ad quem morem Hoc etiam anno inchoata est domus tertiæ Probationis Gandau, beneficio Illustrissimæ *Annæ Comitissæ de Arondel*, viduæ Philippi Comitissæ, quem libro quinto diximus capitis damnatum in Arce Londinensi piè sancteque diem obiisse. Hæc *Roberti Soruelli* Martyris vltimo consilij à captiuitate Mariti mentem Christo seruans liberam, corpusque intactum, totam se tradidit pietatis officijs, qua animabus Sacerdotum operâ, quâ corporibus vario opportunoque subsidio succurrendo; non enim sibi aut familiæ suæ quantumuis amplæ fouebat Sacerdotes, sed solatio vicinorum; & multiplici præterea vestium, medicamentorum, pecuniarum largitione recreabat pauperiores, carceribus clausos releuabat, exules solabatur, in se parciore quò alijs liberalius subueniret; Tempus multa à prece sepositum pingendis plerumque acu ad Altaris ornatum vestibus insumebat; quo in genere missus est ad *Mutium* Generalem magnificus apparatus quem Roma miraretur. Et si autem omnium ordinum Sacerdotes ac Religiosos homines Christiana caritate complectebatur & subleuabat, præcipuo tamen honore colebat Societatem, vt quæ à *Vestono*, *Sorwello* alijsque magnis in ea viris potissimum fuerit ad Dei cultum erudita, & annis plusquam quadraginta ad exitum vsque informata: Qui honor & reuerentia nè cum morte extingueretur, empram Gandau in Flandria domum donauit dotauitque, transferendam cum opportunum fuerit in Angliam, & Caerleoni, ciuitate sua, in

Domus 3;
Probatio-
nis Gan-
dau.